



Siverth K. Heilmann

UKA 2020/200

Atassut

21. Oktober 2020

Uunga siunnersuut: Minamata-mi isumaqatigiisummut atatillugu Namminersorlutik Namminersorlutik Oqartussat Kalaallit Nunaannut nunap immikkoortuatut tunuarsimaarfiginninnermik atorunnaarsitsinissaat pillugu Inatsisartut aalajangiiffigisassaattut siunnersuut.

(Suliffeqarnermut, Ilisimatusarnermut Avatangiisinullu Naalakkersuisoq)

Sutigut tamatigut pinngortitatta imartattattalu annerpaamik eriagulugulu saligaatsuutittuarnissaa Atassummiit pingaartitaraarput.

Imartatta annerusumik kviksølvimik allanillu arrortikkuminaatsunik mingutsinneqaleraluttuinnarnerata annikillisaaqataanissaamik pissutissaqarluarpugut iliuuseqassalluta. Minamata-milu isumaqatigiissut taamatut siunertaqarmat isumalluarnartoqartipparput. Isumaqatigiissut sunniutaalu nukittuumik inissisimassappat nunat amerlanerpaat akueralugu peqataaffigisariaqarpaat.

Imartatsinnilu Aalisakkat uumasullu miluumasut kviksølvimik akoqartalersimani, pingaartumik issittumi najugaqartuusugut nakorsaniit ilisimatuuniillu paasineqarsimasoq assut ernumanartoqartipparput. Pingaartumillu naartusunut, meeqqanullu inunngortunut ingerlaqqittarnera annikillisartariaqarparput, siunissamilu pinngortitatsinnik uumasunik nerisaqarlutalu isumalluuteqartuarnarput qulakkeerniassallugu pingaartipparput.

Siunnersuutip siunertaa tamakkiisumik taperseraluarlutigu, Naalakkersuisut kaammattorusuppagut suleqatigiinnissaq anersaarinerullugu suleqqullugit.